



Na osnovu člana 22 Statuta Brčko distrikta BiH (Službeni glasnik Brčko distrikta BiH, broj: 2/10), Skupština Brčko distrikta BiH, na I. nastavku 37. redovne sjednice održanom 12. decembra 2018. godine, usvaja

ZAKON
O IZMJENAMA I DOPUNAMA ZAKONA O LOVSTVU BRČKO
DISTRIKTA BOSNE I HERCEGOVINE

Član 1

U Zakonu o lovstvu Brčko distrikta Bosne i Hercegovine (Službeni glasnik Brčko distrikta BiH, broj 1/15) u članu 23 stavu 4 riječi: „organizovanje jedinstvene lovočuvarske službe i“ brišu se.

Član 2

U članu 54 u stavu 2 tačka d) se briše.

Dosadašnje tačke e), f), g), h), i), j) i k) postaju tačke d), e), f), g), h), i) i j).

Član 3

Član 57 mijenja se i glasi:

„Član 57
(Lovočuvarska služba)

(1) Odjeljenje je dužno da uspostavi i organizuje lovočuvarsku službu na području Distrikta.

(2) Lovočuvarska služba vrši zaštitu i čuvanje divljači od protuzakonitog korištenja i ugrožavanja.

(3) Lovočuvarsku službu vrše lovočuvari, kao ovlaštena službena lica.

(4) Lovočuvari vrše dužnost naoružani lovačkim oružjem, u uniformi sa službenom oznakom lovočuvara.

(5) Lovočubar može biti lice koje:

a) ima stečenu diplomu srednjeg obrazovanja – IV. stepen;

b) ima položen lovački ispit;

c) ispunjava uslove za nošenje oružja;

d) ispunjava druge uslove propisane zakonom i drugim propisima.

(6) Šef Odjeljenja donosi akt kojim utvrđuje:

a) izgled uniforme i oznake lovočuvara;

b) vrstu, uslove za nošenje i način upotrebe oružja lovočuvara i

c) način rada lovočuvarske službe.

(7) Finansijska sredstva za uspostavljanje i organizovanje lovočuvarske službe na području Distrikta osiguravaju se u budžetu Odjeljenja.“

Član 4

U članu 58 stavu 2 riječi: „Lovački savez“ zamjenjuju se riječima: „šef Odjeljenja“.

Član 5

U članu 59 stavu 1 tačka f) iza riječi: „obavijestiti“ dodaju se riječi: „šefa Odjeljenja“,.

U istom članu u stavu 3 riječi: „Lovački savez“ zamjenjuju se riječima: „šef Odjeljenja“.

Iza stava 4 dodaje se novi stav 5 koji glasi:

„(5) Finansijska sredstva za provođenje mjera iz tačke e) stava 1 ovog člana osiguravaju se u budžetu Odjeljenja.“

Član 6

U članu 60 riječi: „korisnik lovišta“ zamjenjuju se riječima: „šef Odjeljenja“.

Član 7

U članu 61 stavu 1 iza tačke f) dodaje se nova tačka g) koja glasi:
„g) uspostavlja i organizuje lovočuvarsku službu na području Distrikta.“

Član 8

U članu 65 stavu 1 tačka r) se briše.

Dosadašnja tačka s) postaje tačka r).

Član 9

Iza člana 70 dodaje se novi član 71 koji glasi:

„Nadležnost i ovlaštenja Odjeljenja koje se odnose na uspostavljanje lovočuvarske službe, a u smislu člana 57, člana 58 stava 2, člana 59 stava 1 tačke f), člana 59 stava 3 i stava 5, člana 60 i člana 61 ovog zakona, prenose se na Lovački savez danom uspostavljanja istog.”
Dosadašnji članovi 71 i 72 postaju članovi 72 i 73.

Član 10

Ovaj zakon stupa na snagu osmog dana od dana objavljivanja u Službenom glasniku Brčko distrikta BiH.

Broj: 01-02-491/18
Brčko, 12. 12. 2018. godine

PREDSJEDNIK
SKUPŠTINE BRČKO DISTRIKTA BiH
Esed Kadrić